


PQ
1601
.A4:5D4
1861

AMOISE

LES DÈVOTES EPISTRES DE KATHERINE

D'AMBOISE.

U of T OTTAWA



39003002094760

W 733
ca 71 1006

LES
DEVOTES EPISTRES

DE
KATHERINE D'AMBOISE

PUBLIÉES POUR LA PREMIÈRE FOIS

PAR

M. L'ABBÉ J.-J. BOURASSE

CHANOINE DE L'ÉGLISE MÉTROPOLITAINE DE PARIS



TOURS
IMPRIMERIE A. MAME ET C^{ie}

M DCCC LXXI



Yours

-mo

PUBLICATION

DE LA

SOCIÉTÉ DES BIBLIOPHILES DE TOURAINE

LES

DEVOTES EPISTRES

DE

KATHERINE D'AMBOISE

TIRÉ A 180 EXEMPLAIRES:

70 *sur papier chamois;*

110 *sur papier vergé.*

LES
DEVOTES EPISTRES

DE
KATHERINE D'AMBOISE

PUBLIÉES POUR LA PREMIÈRE FOIS

par

M. L'ABBÉ J.-J. BOURASSE


CHANOINE DE L'ÉGLISE MÉTROPOLITAINE DE TOURS




TOURS

IMPRIMERIE A^{de} MAME ET C^{ie}

M D CCC LXI





Digitized by the Internet Archive
in 2010 with funding from
University of Ottawa

PQ

1601

.A45 D4

1861

PRÉFACE

A la renaissance des lettres en France, la poésie fit les délices d'une foule d'esprits distingués. Chacun s'empressoit de lire les vers qu'un mérite véritable ou le caprice de la mode signaloit à l'attention générale. Rarement on vit un enthousiasme plus sincère pour les productions de la littérature.

Personne n'ignore l'influence que Marguerite de Valois exerça sous le règne de François I^{er},

son frère. Cette princesse cultivoit les lettres, et faisoit profession de protéger les savants. Elle se montra favorable aux nouveautés religieuses, et accueillit avec une sorte d'affectation les théologiens protestants. Elle écrivoit en prose et en vers avec une égale facilité; mais ses compositions sont empreintes d'une légèreté qui dégénère trop souvent en licence. Catherine d'Amboise, qui vécut longtemps à la cour de François I^{er}, fut séduite, comme la dixième Muse, par l'attrait de la poésie; mais, loin de suivre l'exemple de la Marguerite des

Marguerites, elle consacra son talent poétique à exprimer ses sentiments religieux. Les dévotes épîtres qu'elle adresse au Christ et à la Vierge ne sont pas dépourvues de charme. On y trouve des traits remplis d'une grâce naïve, des vers heureusement tournés, de fraîches images. C'est l'œuvre d'une imagination riante, qui eut l'avantage de s'épanouir, dès ses plus tendres années, sur les rives verdoyantes de la Loire, à Chaumont et à Tours.

Catherine eut pour père Charles d'Amboise, premier du nom, seigneur de Chaumont, qui obtint les

bonnes grâces de Louis XI, et devint gouverneur de l'Ile-de-France, de Champagne et de Bourgogne. Le roi le nomma chevalier de son ordre de Saint-Michel, et lui donna le comté de Brienne. Philippe de Comines dit qu'il estoit très — vaillant homme, sage et diligent. Il mourut à Tours le 11 février 1481, et fut enterré dans l'église des Cordeliers d'Amboise.

Catherine d'Amboise étoit aussi remarquable par sa beauté que par l'agrément de ses manières et de son esprit. Elle fut mariée trois fois. Elle épousa d'abord Chris-

tophe de Tournon, seigneur de Beauchastel, échanson du roi Charles VIII. Cette union fut de courte durée. Vers la fin de l'année 1501, elle contracta mariage avec Philibert de Beaujeu, seigneur d'Amplepuis, de Linières et autres lieux, chambellan du roi François I^{er}. Le contrat de mariage, dont l'abbé de Marolles nous a conservé l'analyse manuscrite ¹,

¹ Les Hist. des anciens comtes d'Anjou et de la construction d'Amboise. Paris, 1681, in-4°. Ce précieux volume enrichi de nombreuses notes, corrections, additions de la main de l'abbé de Villeloin, se trouve à la Bibliothèque municipale de Tours, fonds A. Salmon, n° 54.

fut dressé et signé le 10 novembre 1501. Étoient présents, outre les deux époux, Jacques de Beaujeu, baron et seigneur de Linières, père de Philibert; messire Louis d'Amboise, évêque d'Autun, depuis évêque d'Alby, et créé cardinal en 1506, par le pape Jules II; et Jacques d'Amboise, abbé de Chuny. Les deux derniers étoient procureurs spéciaux de Charles d'Amboise, deuxième du nom, et de Guy d'Amboise, frères de Catherine. Ce Charles d'Amboise monta rapidement aux plus grands honneurs; il fut successivement grand maître, maréchal et amiral de

France. La mort le surprit en Lombardie, à l'âge de trente-huit ans. Son corps fut transporté à Amboise, et enseveli dans l'église des Cordeliers. Il mérita ce bel éloge : « Mort le preint un peu bien tost, car il fut homme de bien toute sa vie. »

Le contrat de mariage reconnoît que la dot de Catherine est de dix mille écus d'or, valant dix-sept mille cinq cents livres, outre le chastel seigneurie de la Sellette, en Berri. Les robes et habillements sont estimés plus de cinquante écus d'or.

A la suite du contrat se trouve

l'acte d'émancipation de Philibert de Beaujeu, suivant les formalités accoutumées.

Avant de procéder aux cérémonies nuptiales, on publia la dispense de parenté du troisième degré entre les deux jeunes époux : Catherine d'Amboise, en effet, par sa mère Catherine de Chauvigny, étoit petite-fille de Catherine de Beaujeu. La dispense fut accordée par le cardinal Georges d'Amboise, premier du nom, archevêque de Rouen, à Lyon le 6 des Ides de novembre 1501.

Philibert de Beaujeu reçut en dot la seigneurie de Linières en

Berri. Le château, déjà ancien, avoit été rebâti par Jérôme de Nouveau. L'église Notre-Dame étoit collégiale. C'étoit un domaine considérable, auquel la féodalité avoit attaché de nombreux privilèges. Les seigneurs de Linières portoient le titre de sires, de princes, et de barons de Linières.

Devenue femme de Philibert de Beaujeu, Catherine d'Amboise eut une prédilection marquée pour le château de Linières. Dans cette tranquille résidence, elle se livroit en liberté à ses dévotions, et cultivoit la poésie. C'est elle-même qui

nous l'apprend, vers la fin de sa première épître :

*Escript au lieu segrect de ta maison
De Lynières, ou souvent oraison
Te presenta Katherine d'Amboyse
Que trouveras, au tems qui vient, courtoyse
Plus que jamais, moyennant tes appuys.*

Depuis longtemps Philibert de Beaujeu avoit passé une transaction avec le duc de Bourbon, touchant la baronnie de Beaujeu, qu'il céda avec tous ses droits, moyennant une rente de quinze cents livres. Il mourut sans postérité, en 1541.

A cette époque, Catherine, devenue veuve pour la seconde fois,

étoit entrée dans la vieillesse. Elle convola néanmoins à de troisièmes noces. Elle fit alliance avec Louis de Clèves, comte d'Auxerre, fils d'Engilbert de Clèves et de Catherine de Bourbon-Vendôme. La mort brisa bientôt ces nouveaux liens. Louis de Clèves mourut en 1545. Catherine d'Amboise mourut cinq ans après, en 1550, sans avoir eu d'enfants.

Les poésies pieuses de Catherine d'Amboise méritent d'être connues, quoiqu'elles soient loin de la perfection. Elles sont propres à honorer sa mémoire, non-seulement à cause des religieuses intentions du

poète, mais encore par plus d'un passage que ne désavoueroient pas les auteurs les mieux inspirés. Les épîtres de Catherine sont un monument précieux d'un siècle qui a élevé des monuments plus imposants et plus célèbres. Les amis de notre littérature liront avec plaisir le Chant Royal composé en l'honneur

*De la Vierge ou toute grace abonde,
La plus belle qui jamais fut au monde.*

*Pour chanter dignement la Vierge,
qu'elle appelle sa dame, maîtresse et amie, Catherine invoque le secours des Anges et des Muses.
Par un mélange du sacré et du*

profane, dont la renaissance nous a laissé plus d'un exemple, elle s'adresse aux personnages les plus fameux de la Bible et de la Mythologie. Dans son enthousiasme elle s'écrie :

Viens, Apollo, jouer des chalumeaux ;

elle invoque Aurora, qui prélude aux beaux jours ; Orpheus, pour sonner harpes et clarins ; Amphion, si connu par des prodiges dus à l'harmonie de sa lyre. Elle continue :

Viens, Roynie Hester, préparée de joyaux,

Venez, Judith, Rachel et Florimonde,

Accompagnez par honneurs spéciaux

La plus belle qui jamais fut au monde.

Le manuscrit qui renferme les poésies de Catherine d'Amboise, est déposé à la Bibliothèque impériale, où il porte le n° 8,033 de l'ancien fonds françois. C'est un mince volume in-4°, relié en velours, de dix-huit feuillets non chiffrés; il est écrit sur vélin, à longues lignes, d'une bonne écriture du xvi^e siècle. Il contient les pièces suivantes :

- 1° Épître à Jésus-Christ ;*
- 2° Envoy à la Vierge Royale ;*
- 3° Épître à la Mère de Dieu ;*
- 4° Chant Royal ;*
- 5° Envoy ;*
- 6° A mon bon Ange ;*
- 7° Épître ou Réponse de Jésus-Christ.*

Ce volume est orné de trois jolies miniatures. La première représente Catherine agenouillée devant un prie-Dieu : une suivante les mains jointes, est à genoux derrière elle. Un ange offre à Notre-Seigneur l'Épître de Catherine, qui semble prononcer ces vers :

*C'est de la main non d'autre que de celle
Qui se maintient estre ta porre ancelle.*

Le second tableau nous montre les mêmes personnages, dans une attitude semblable; mais l'offrande est adressée à la sainte Vierge. Dans la troisième miniature, on voit Catherine à genoux sans prie-

Dieu : son livre , ouvert , est posé sur un placet devant elle. Un ange lui présente un anneau. Dans le ciel on aperçoit le Sauveur , assis au milieu d'une auréole , le globe à ses pieds. A droite , la Vierge Marie est en prière ; à gauche , l'ange reçoit à genoux l'anneau , que nous le voyons plus bas remettre à Catherine. Cette scène s'explique ainsi :

*O mon bon ange , tu soys le bien venu.
J'aperçoy bien , voyant le contenu ,
Par cest anneau , de quoy present me fais ,
Que de peché ne porte plus le fès.*

Au bas des deux premières vignettes , on remarque les armoi-

ries de la maison d'Amboise : parti
d'un léopard de sable grimpant,
armé et lampassé de gueules en
champ d'or; et de trois pals de
gueules en champ d'or.

EPISTRE

A MON TRES DOULX, TRES GRACIEUX ET TRES BENEVOLE

SAUVEUR ET SEIGNEUR

JHESUCRIST

*Long temps y a, prince tres gracieux,
 Que j'ay desir presenter a tes yeulx
 Une requeste ; ains je crains, pour tout voir,
 Que ne veuillez la lire ou recevoir ;
 Ce dont pourtant se met a l'aventure
 Ta povre serve, indigne creature,
 Par ceste espistre construite en douleurs,
 Pleine d'ennuy, gémissemens, et pleurs*

*Que promptement par ce courrier t'envoie,
Lequels' est mys, pour ceste affaire, en voye,
Et m'a promis que la verras de brief.
Et oultre plus que de mon mal tres grief
Auray confort; mais hélas! trop je doute
Que ma requeste acceptes, somme toute,
Tant au moyen des fautes que j'ay faictes
Encontre toy, qui ne sont sattsifaictes,
Que pour la foy des loyalles amours
Que j'ay faulcée, employant mes faulz tours
Plus qu'inhumains contre ta seigneurie.
Las! tu m'avoys tant aymée et chérie,
Qu'impossible est a mondain amoureux,
Navré du dart d'amour tres vigoureux,
De tant aymer celle qui l'ayme aussi.
Ce pourpensant, ay le cueur tout transsi.*

*O*r est il vray que ton Père eternal,
Et aussi toy, son filz substancier,
M'avez formé tant l'ame que le corps

*Par amoureux et gracieux accords ,
 Sans que besoin vous eussies de me faire
 Et que de moy n'eussies aucune affaire ;
 Mais seulement ton Père magnifique
 Vouloit complaire a toy, son filz unique.
 Par la bonté de la tierce personne ,
 Qui de vous deux procède, et dont résonne
 L'amoureux bruyt et gracieux usaije ,
 Fut acompany ce merueilleux ouuraige.*

*L*ors pour mon corps nourrir en cestuy monde ,
 Tu me baillas la terre necte et monde ,
 Et comme mère, divers fruictz produysans ,
 Les eaux aussi qui me sont tres duysans ;
 Le clair soleil, lequel marche tousjours ,
 Pour mesurer et compasser mes jours ,
 Les moys, les ans ; pour chacun fruict produire
 Par sa chaleur ; la lune pour nous luyre ,
 Et esclarcir les tenebres nocturnes ,
 Le tout as faict en façons taciturnes.

*Oultre as creés les quatre elemens ,
Pour me donner vie et nourrissements.*

*A*pres mon ame de toy si fut parfaite
A ton ymage, sur toustes pure et necte ,
Pour une foys apres avoir vescu
En ce bas monde , et l'ennemy vaincu ,
Jouyr de toy par amour eternelle ,
En ta maison royalle et supernelle ,
Ou l'on peult prendre , avoir et accepter
Tous ses plaisirs , sans ung en excepter.
Et pour regir tout cest acoustrement ,
Me fut baillé memoire , entendement ,
Et voluté par dispos deificque.
Semblablement une garde angelicque,
Qui est celuy qui l'epistre presente
Devant ton throsne. A toy seul la presente.

*M*ais, bon Ihesus, comme mal gracieuse
De tous ces biens fus soubdain oblieuse ,

*Pour le parler du faulx serpent lezart ,
Je t'oublis. En ensuyuant son art ,
S'il me mena soudain et par ma faulte ,
A fol delict. Ma rigueur fut trop haulte ;
Car par ce fus a vice abandonnée ,
Comme la chair qui est aux bancz donnée ,
Tant et si fort que moy tres malheureuse ,
Je de vins lors , par ort peché , lepreuse ,
Hideuse a veoir en face , tres horrible ,
Plus que nulle autre infaicte et corruptible .*

*O*r m'en fut pis ; car je fus dejectée
Du lieu plaisant où fut ma demourée ,
Mise en la terre et de paine et labeur ,
Où par long temps ay ploré ma douleur ,
Au grant dangier de bestes devorables ,
N'eussent esté tes regards secourables ;
Car non obstant que je t'eusse forfait ,
Comme j'ay dit , sans l'avoir sattisfait ,
Tu ten allas proposer a ton Père

*Le deshonneur, le mal et vitupère ,
Ou j'habitoys , le priant doucement
Qu'il eust pitié de mon rabessment.*

*L*e consistoir sur ce fut assemblé ,
Ou chacun dist ce que luy a semblé
Par oppinion , voullurent ordonner
Que vray pardon on me devoit donner ;
Mais qu'il failloit pour ceste playe guerir ,
Que de tes membres, il feust veu decourir
Ruisseau de sang, ou lavée ie seroye ;
Car sans cela , jamais ne gueriroye.

O doulz Ihesus, tu fus si amyable
De moy, meschante et si tres pitoyable ,
Que tu voullus de ton throsne descendre ,
Et mortel corps pour l'amour de moy prendre.
Lors fus en croix cruellement pendu ,
Percé de clouz, et ton cousté fendu ,
Dont vint le sang, ouquel je fus lavée

*Si nectement, que ma chair enclavée
D'infection, par ce saint lavement
Fut nestoyée, et mise entierement
Hors de l'orreur, ou peché m'avoit mise.*

*E*t quant je fus en mon estat remise,
Tu fus si bon, et si fort me prisas,
Que moy chestive pour espouse prise as,
En m'assignant douaire en ton empire
En te servant, et que vers toy me tyre,
Sans retyrer pour mon bien advenir.
Et moy pensant promesse te tenir,
Je te feys veu qu'ainsi je le feroye,
Et que jamais je ne t'offenseroye.
Que je n'ay fait cela, puis proferer,
De t'offencer n'ay voulu différer;
Mais ay voulu, dont je me dois maudire,
Plus que devant choysir des maulz le pire,
Te delaisser par mespris et contempt,
Dont de moi dois estre tres mal content.

*Consideré que tu m'as tant aymée ,
Ne doy-je point estre de tous blasmée ?
Ne doyvent point les astres et les cieulx
Me foudroyer en lacrimables lieux ?*

***H**élas ! pourquoy me nourris-tu, la terre ?
Que ne me font tous les anges la guerre ?
Et pourquoy tant en si grant appareil
Va m'esclairant le tres luyasant soleil ?
Que faict le feu, qui ne me brulle et art
De mon offence conduytte par faulx art ?
L'air en gemit, et la mer en murmure.
Ne suy-je pas meschante creature ,
D'avoir laissé l'amoureux si parfaict ,
Pour en prendre unghort, puant et infaict ?
Voire qui quiert, en lieu de me bien faire,
Ma povre ame succomber et deffaire.
Las ! c'est peché, cestuy la proprement ,
Qui me trompa dès le commencement ,
Qui me seduyt, la chose est averée ,*

*Par quoy je fus par l'ange séparée ,
Et regettée ès paradis terrestre ,
Comme j'ay dict, où il faict si bel estre.*

*L*as ! ce n'estoit, quant bien je me recorde ,
Le doulz espoir de ta miséricorde ,
De ta douceur et grant beniguité ,
Veu que j'ay tant vers toy desmerité ,
Plus ne voudroys vivre avec les humains.
Je m'occirays de mes treublantes mains ;
Je tacheroyz villement me deffaire ,
Pour a mon cueil putrefaict satisfaire.

*M*ais je sçay bien pour vray que prens plaisir
A ceulx, qui ont douleur et deplaisir
De leurs pechés, et s'en vont repentant ,
O bon Ihesus, las ! il m'en deplaist tant.
Tu voys mon cuer, et cognoys ma tristesse ,
Et que bien sçay qu'à moy chose triste esse
D'avoir ainsi soubdain , a la volée ,

Ma foy vers toy follement violée.

*Quant de cest cas et forfaict me souvient,
Comme transi mon cueur tout froit devient,
Recongnissant ma faulte et mon offence,
Ou il n'y a replicque ny deffence ;
Ou envers toy je me puisse excuser ;
Mais au contraire il me fault accuser.
Ce que je fais par ceste espistre et lectre ,
Te pourmectant de jamais ne commectre ,
Mon seul Seigneur, et amy tres loyal,
En dit, ne faict, tour qui soit desloyal ;
Mais t'obeyr, comme ta chaste espouse.
Et le mien cueur qui maintenant repouse
Au souvenir des tres grans benefices ,
Que tu m'as faict en lieu des mallefices ,
A toy Ihesus , non a aultre le livre ,
En protestant doresnavant de vivre
Tout a part moy, comme la tourterelle ;
Laquelle vyjt toute seule a part elle ,*

*Quant son pareil elle a du tout perdu ;
En attendant que le tribut rendu
Soit a la mort par moy, selon l'usage
De cestuy monde et de l'humain lignaige.
Sans plus bailler mon cuer ailleurs qu'à toy.
Te suppliant avoir pitié de moy,
Et me donner par amour et par don,
De tous mes maulz et ordz pechés pardon ;
En me gardant de plus y retourner,
Sans que jamais me puisse destourner ;
Mais te servir en ce monde fragile ,
Si bien a point , que mon esprit agile
Tous les neuf cieulx si puisse parcoller ,
Et purement aux nopces convoller ,
Dont nous avons celebré fiancailles
Sur les saincts fons, et puis les espousailles
Se parferont en ton eternal estre ,
Ou pour bien faictz je conclus en fin estre.*

*E*script au lieu segret de ta maison

*De Lypières, ou souvent oraison
Te présenta Katherine d'Amboyse,
Que trouveras, au tems qui vient, courtoyse
Plus que jamais, moyennant tes appuys.
Te suppliant, autant que faire puyt,
Pour ce que suis de supplier indigne,
Que mon bon ange, ta creature digne,
Soit despeché de par toy promptement.
Au cueur n'auray joye par faictement
Que son retour n'aict faict a mon prouffit.
A tant fays fin, car pour l'eure il suffit.*

*C'est de la main non d'aultre que de celle
Qui se maintient estre ta povre ancelle.*

KATHERINE D'AMBOYSE.

ENVOY A LA VIERGE ROYALE

*M*ère des Anges, ma maitresse et amye,
Du fond du cuer humblement te supplye
Une espistre que t'envoie recevoir,
Acomplissant du dedans le vouloir.

EPISTRE

A LA MÈRE DE DIEU

LA VIERGE BENIGNE, MÈRE DE PAIX, PUCELLE DE CONCORDE

MON ADVOCATE, MA DAME, MAISTRESSE ET AMIE

*V*ierge Royal, des Anges l'outrepasse,
 Plus radiant que rubbiz ne thopasse,
 Ouseray-je bien la hardiesse entreprendre
 Te requerrir, je doute de mesprendre,
 Veu les pechés et esnormes deslitz,
 Qu'ay perpetrés encontre ton cher filz.
 Las! je sçay bien qui faict au filz nuysance,
 A la mère ne fait pas moindre offence.

O r est ainsi, purelle de concorde,
Qu'envers cestuy Chef de miséricorde
Ay grandement mesprins et sans esgard,
A pardon si ne veult avoir regard,
Si de pardon il n'use en mon endroict,
Je confesse que trop mieulx me vouldroit
En un abisme me jetter, pour tout veoir,
Si que jamais nul ne me peust veoir,
Comme proscripc de remission digne,
Mais prevoyant que toy, Vierge benigne,
Peulz apaiser de ton benoist filz l'yre,
Ay entrepris devers toy m'en affuyre,
Ay entrepris mon cas te raconter,
Tous mes forfaictz, sans un en excepter.
Pour et affin que tu soys advocate
De l'ostinée et pecheresse ingrate,
Dont pour eschoir a te narrer mes faictz,
Mes ors pechez, sur tous aultres infaictz.

J ay transgressé tous les commandemens

*De ton cher filz, de cela je ne mens.
Pour abreger, aucun je n'en excepte,
Comme imprudente, a tout mal faire experte;
Et dys, en oultre, si j'eusse peu pys faire,
Plus qu'ostinée, remplie de mal affaire,
Eusse ensuyvy ma fasson inconstante,
Ma coustume orde, vicieuse et meschante.
Mon cas en brief pour l'eure je recite;
La raison est, une epistre ay escripte
A ton doulx filz, qui tost sera par voye.
Tu y verras au long toute la voye
De mes emprinses, et comme j'ay vescu
Jusques icy, sans plus long desbatu,
Lubricquement, autant qu'on sçauroit dire,
Dont a part moy je larmoye et soppire.*

***I**l te plaira ladicte epistre veoir
Tout a loisir, amplement la prevoir
Devant ton filz, tu en as bien l'audace,
Pour et affin que de ta bonne grace*

*Icelle veue, si support me veule faire,
Tu ayderas a mon excuse faire.
Toy presentant, a l'eure que livrée
Sera celle a ton filz desliée,
Me supportant affin que soit demise
Ma coulpe esnorme, et que je soye remise
Au vray sentier de salut meritoire,
Et preservée d'enchoir au lieu scabraire,
Gouffre infernal, crempte de repos.*

*M*ère de pair, tu entens mon pourpos,
Ma povreté et mon impacience.
Impetres moy, s'il te plaist, allegence.
Au lieu celie tu es chérie, aymée
Du Dieu des dieux, sur toutes reclamée.
D'estre esconduite bien sçay que tu n'as garde:
De me bien faire en cela ne retarde
Le Père, et Filz, et le saint Esperit.
Je sçay de vray que chacun t'obeyt.
Ce que tu veule parfaire en Paradis,

*Tost est parfaict, et sans nuls contreditz.
Anges, Archanges, Throsnes, Principaultés,
Chacun ensuyt tes dignes voluntés.
Sainctz et Sainctes, toute la Ierarchie,
Par devant toy ung chacun s'humilye,
Comme raison le veult et si l'ordonne.*

***P**our ceste cause, Mère de Dieu tant bonne,
Je sçays assés que pour avoir appuys,
Remissions, certes mieulx je ne puy
Qu'a toy venir, ainsi comme j'ay faict.
Te plaise donc appaiser mon messiaict,
Te plaisant fort de mon amendement;
Je le t'assure sans doubte aucunement,
La promesse je t'en fays sur ma foy.
Et pour enseigne, en t'asseyant de moy
La partye noble, de mon corps la meilleur,
Je la t'envoye : c'est mon doloireux cueur,
Duquel feras, s'il te plaist, ung present
A ton cher filz, mon bon ange present,*

*Faisant tesmoung, qu'en vouldra demander
Du bon vouloir que j'ay de m'amender.*

*E**t de l'ennuy que te donne et la pame ,
En ceste affaire , la porrette mondaine
Soit excusée , et le tout pardonné ,
De ce te prie l'esprit abandonné
Sans ton secours , suppliant d'abondance
De pourchasser soudaine deslirrance
A mon profict , que ne voye mon message.
Et de retour le myen triste visage
Sera tousjours jecté en contre bas ,
Comme esperdue , plaine de doute , hélas !
De grans regretz et douleur vehemente ,
Assise au pied du mur de longue attente.*

*P**rens ceste charge, ma dame et ma maistresse,
A celle fin que tel dueil et tristesse
Gueres ne porte ; tu en as le pouvoir :
Te plaise donc a cestuy cas pourvoir.*

*Et cela faict, mon ange retourné
D'indulgence fourny et atourné,
Jamais ne fut plus aise creature,
Plus consolée, ce pourpos je t'assure.*

*Quant de l'emprinse, ce n'est rien quant a toy;
Mais elle est grande, et de prix quant a moy.
Ce dont pourtant, quelque peur que je porte,
Je ne fais doubte que mon courrier n'apporte
Bonnes nouvelles; luy mesme me l'affirme,
M'ammonestant avoir mon esprit ferme
En esperance, et sans point desvyer;
Plus il m'a dit, que ne sçauroyz nyer,
A procurer, de cela se tient seurs,
Misericorde pour les povres pecheurs.
O deffective, quant ce pourpos escoutte
Suis en emoy, et que bien je le gousté!
Non une goutte de joye ne respindent
Mes povres yeulx, ung millier en descendent
Tant nuyet que jour; prevoiant ce grant bien*

*A moy venir, j'ay si quillard maintien,
Que si raison, hayneuse de desordre,
Ne conduysoit mon esperit par ordre,
Je me prendroys a dire la chanson
De moy aimée, aornée de plaisant son,
Ou il y a : a l'ombre d'un buissonnet,
L'aurée d'une saulaye au matinot.*

*N*on, de gayté mondaine qui chancelle
Ne chanteroy ; mais de spirituelle,
En contemplant ce mot de si hault pris :
Misericorde ou tous biens sont compris ;
Misericorde dont maints fruict sont venus,
Par son moyen en ce monde advenus.
Las ! sans icel, sous le commun naufrage,
Estoit perdu le poëre humain lignage.
Sans icelle, de cela je ne ment,
Chacun alloit a perte et dempnement.

*N*ay je donc cause d'un tel bien m'esjoyant :

*Sans par tristesse me veoir esvanouyr,
Quant j'aperçoy que moy, povre esperdue,
Par ort peché je m'etoie perdue,
Sans l'ainée fille de mon Père et mon Dieu,
Misericorde, bien aymée en tout lieu.
Davantage tu es sa propre mère;
Sans toy ne peult ordonner ne rien faire.
Tu peulx le tout, a cela je me fye,
Que ma povre ame par toy sera fulcye.
Et colloquée, maulgré les contredictz,
La sus au ciel, avec les beneditz,
Ou est repos, et gloire invariable,
Felicité a tousjours permanable.*

*Q*u'en toy je n'ay ma parfaicte esperance,
Et pour vray signe d'amour et souvenance
Je t'envoye ung petit chant royal,
De moy comprins en langaige rural,
Que recepras, si te plaist, doucement.
Si je ne touche de toy si haultement,

*Qu'il t'appartient, excuse ta servante.
A ceste affaire trop plus qu'insuffisante.
Les saints docteurs et orateurs ensemble,
Mesmes les rieurs ne saroient, ce me semble,
Toy hault louer a tant que peust suffire.
Cela je sçay, mais j'ay tousjours ouy dire :
Celuy qui faict son povoir, au surplus
De louenge ne doit estre forclus :
Mais exalté en public de chacun,
Sans desdaigner, c'est proverbe commun.
Pour ceste cause et la raison preveue,
De Katherine d'Amboyse au vray congneue
D'un franc vouldoir, en toute humilité,
T'a bien voulu escrire ce traicté,
Comme le roys couché par inventoyre,
Te suppliant d'icelle avoir memoire.*

CHANT ROYAL

*Anges, Throsnes et Dominations,
 Principaultés, Archanges, Cherubins,
 Incliné vous aux basses regions,
 Avec Vertus, Potestes, Seraphins.
 Transvolités des haultz lieux cristalins,
 Pour decorer la triumpante entrée,
 La tres digne naissance adorée,
 Le saint concept par mistères tres haultz
 De la Vierge, ou toute grace abonde,
 Decretée par dictz imperiaulx :
 La plus belle qui jamais fut au monde.*

*Faictes sermons et predications,
Carmes devotz, Cordeliers, Augustins.
Du saint concept portés relations,
Caldeyens, Hebreux et Latins ;
Roumainz chantés sur les montz palatins
Que Iouachim sainte Anne a rencontrée,
Et que par eulx nous est administrée
Ceste Vierge sanz amours conjugaulx,
Que Dieu crea de plaisance feconde,
Sanz poinct sentir vices originaulx,
La plus belle qui jamais fut au monde.*

*Ses honnestes belles receptions
D'ame et de corps aux beaux lieux intestins,
Ont transcendé toustes conceptions
Personnelles, par mistères divins.
Car pour nourrir Ihesus de ses doulx seins,
Dieu l'a tousjours sans maculle monstrée.*

*La desclairant par droit et loy oultrée :
Toute belle pour le tout beau des beaultz ,
Toute clère , necte , pudique et monde ,
Toute pure par dessus tous vesseaulx ,
La plus belle qui jamais fut au monde.*

*M*uses, venés en jubilacions,
Et transmigrés vos ruisseaulx cristallins.
Viens, Aurora, par lucidations
En precursant les beaux jours matutins ;
Viens, Orpheus, sonner harpe et clarins.
Viens, Amphion, de la belle contrée ;
Viens, Musique, plaisamment acoustrée.
Viens, Roync Hester, preparée de joyaulx,
Venez, Judith, Rachel et Florimonde ,
Acompagnés par honneurs speciaulx ,
La plus belle qui jamais fut au monde.

*D*oux zephirs, par sibillacions,
Sepmés partout roses et roumarins.
Nymphes, lessés vos inundations,
Lieux stigieulx, et caribdes marins;
Sonnés des chors, violes, tabourins.
Que ma maistresse, la Vierge honorée,
Soit de chacun en tous lieux decorée.
Viens, Apolo, jouer des chalumeaux.
Sonne, Panna, si hault que tout redonde,
Collaudés tous en termes generaulx :
La plus belle qui jamais fut au monde.

ENVOY

*E*spritz devotz, fidelles et loyaulx,
En paradis beaux manoirs et chasteaulx,
Au plaisir Dieu, la Vierge pour nous fonde;
Ou la verrès en ses palais royaulx,
La plus belle qui jamais fut au monde.

FIN PAR MOY K. D'AMBOYSE.

A MON BON ANGE

*O mon bon Ange, tu soys le bien venu.
J'aperçoy bien, voyant le contenu,
Par cest anneau, de quoy present me fais,
Que de peché ne porte plus le fès.*

EPISTRE

DE MON TRES PUISSANT SEIGNEUR ET SAUVEUR

IHESUSCRIST

*Benignement j'ay receu ton registre ,
 Fondée en dueil ta pitoiable epistre ,
 Ou tu describes , en toute humilité ,
 De ton esprit la grant legereté ,
 Tes pechés tous esperant t'amender ,
 Comme as voulu le m'escrive et mender.*

*Celuy pourpos de louenge est tres digne ,
 Et de salut le marc et le vray signe.*

*Mais que le fasse, sans rompre la promesse,
Qui envers moy se doit, comme la messe,
Veritable estre, que pardevant n'as faict;
Dont tu pechas et commis grant forfaict
Par plusieurs foyz, en ensuyvant tes pères,
Lesquels premiers commirent vitupères
Par transgresser mes injunctiōns et dictz,
Et avoir creu le serpent interdictz.*

*Ce non pourtant quelque offence qui ayes faicte,
Tant vile sois, ordouse et putrefaicté,
Je ne sçauroys, ma fille de concorde,
Te refuser nommer misericorde.
Je ne pourroys desnier ta demande,
Posé qu'el soit, veu tes meffaictz, fort grande.
Moymesme ay dit, or ma parolle est seure,
Mon Evangille l'affirme et je l'asseure,
Que a quelque heure que le pecheur dira
Du fond du cuer peccavi, s'oublira
Le sien delict, et recevra pardon.*

Je l'ay conclus et octroyé par don.

*D*oncques, ma fille, cela que j'ay predict.
Promis jadis, y mettre contredict
Je ne scauroy, sans estre ven injuste.
Et tu sçais bien que Dieu fut et est juste.
Par quoy ne puis refuser ta requeste ;
Et m'eusses-tu autant faict de moleste
Que fist Judas, et tous aultres pecheurs
Depuis Adam, envers moy transgresseurs.
Davantage tu as esleu ma mère
Pour advocate, et guyder ton affaire.
Tu es prudente, car de riens l'escoudre
Je ne pourroye ; Roynie est de mon empire,
Ayant puissance, icelle que je l'ay.
Impossible est luy faire aucun delay
De rien qui soit, à son vueil et desir ;
Mais justement parfaire son plaisir,
Sa volonté, sans y penser desdict
Chose au contraire, rien luy est interdit.

*P*lus m'a baillé et présenté ton cuer;
Lequel me donnes; tu ne pourroys meilleur
Choisir pour garde que moy, je le t'asseure.
Icelluy prens, te recepvant en l'heure
Pour mon espouse et dame par amours.
Ainsi pensant que jamais lâches tours
Ne me feras. A cela je me range.
Plus que de moy tu ne feras eschange,
Ainsi que font plusieurs aultres mondaines,
En promesses volages et soubdaines.
Constante et forte te maintiendras et ferme.
Ainsi ma mère le m'a dit et l'affirme,
Faisant pour toy le veu et la promesse
Dont pour monstrier que j'ayme la simplesse,
L'humilité de toute creature,
Pour commencer d'amour la conjecture,
L'anneau de paix et de remission
Tenvoye la bas, veue ton intencion.
Tu le garderas pour et en souvenir
De ton espoux, bien t'en pourra advenir.

*T*on cœur, lequel tu m'as icy transmisy.
 Au rang sera de mes parfaicts amys,
 Mys et posé en ung repositoyre
 Celestiel, divin, triumphatoyre,
 Ou d'ennemys il n'aura jamais garde.
 Icelly prend en main et saulvegarde.
 Pour recompense, tous vices et pechiez
 Que jusques cy t'ont voulu empêchiez,
 Faisant lesser mon chemin vertueux,
 Le tout efface, et encor plus je veux,
 Si envieux te demendoit par voye
 Qui t'a baillé l'anneau que je t'envoie,
 Pour quel faveur icelly tu comportes,
 Dy leur tout hault que Cil pour qui le portes
 Est acomply et plain d'honnesteté,
 Le parangon de toute humilité,
 Le beau des beaux, le meilleur des meilleurs,
 Riche et puissant prince de tous seigneurs.
 Plus, si d'amour il te vouloit blâmer,
 Fuy leur response que suis digne d'apuer.

*Et que l'anneau pourteras dans ton doigt,
En despit d'eulx et pour l'amour de moy.
Et ne te chaille d'injure qu'on te dye,
Si de toy sont en folle jalousye.
Ne plus ne moinz, lesse tout descouller.
On ne scauroit garder foulz de parler.
Persevère tousjours de mieulx en mieulx
Ung vray aymanit a tousjours envieulx,
Note ce poinct. Je seray ton garant,
En tous tes faictz aydable et secourant.
Mès que tu soys juste en ton maintenir.
Ceulx du jourd'uy promectent sans tenir.
Ne soys icelle, car c'est ruse evidente,
De mocquerie et voysine et parente.*

*Ayes esgard doncques dorenavant
A ton espoux, qui tant benignement
T'a recueillie de charité emprins,
Veu qu'envers luy avoys commis mesprins.
Je ne dys pas ces motz pour t'irriter,*

*Quelque chose que vueille interpreter.
L'accord est faict , et le pardon donné ,
De toy et moy signé et ordonné.*

*Ce que te mande n'est que pour t'avertir
Que tu ne soys si prompte a divertir,
Qu'aultre foyz fus ; oultre je te conseille,
Ainsi qu'amant pour son amye veille,
Qu'au temps qui veint ne te monstre estrange
Au gardien de toy, c'est ton bon ange.
Si son conseil eusses voullu ensuyvre ,
Le monde immonde qui mainct esprit enyvre.
Ne t'eut deceue, la chair, aussile dyable,
Note ce dit, qui n'est songe, ne fable,
Iceulx t'ont faict delessier esquicté,
Pour obeyr a sensualité,
Sont eschauguettes, et larrons infernaulx,
Faiets et domptez pour induyre a tous maulx.
Tu as suyvy leur infamie et bende
Par moult de temps, dont tu derroys la mende*

*A moy ton Dieu, qui t'eus voullu contraindre
Faire payement sans espargner ou faindre,
Qu'eusses tu faict, povrette creature?
Ton corps et ame alloit a l'aventure.*

*C*ontemple donc la charité profonde
De ton amy, le bien en luy abonde.
Que si vouloit les pecheurs condempner,
Sentence juste sur iceulx ordonner,
Tout aussi tost qu'ilz ont commis offence,
Le pouvre monde yroit en descadence,
Et deffauldroit, entens-tu bien ce dicte,
Grant besoin est que tu soye exercite
Aux deffectifz estre doulx et propice,
Non pas user de rigueur de justice,
Comme piteulx de leur paine les tyre,
Par devers moy en douceur les retyre.
Aucunes foys par tribulation
Je les esprouve et par temptation.

*P*ar ces deux poinctz retourne le pecheur

A reconnoistre son Dieu et créateur.
Ce non pourtant ne vouldroye ordonner
Temptacion aucunement donner
Que l'on ne puisse porter et soutenir.
A toy sur tous en peult se souvenir :
Temptacion, contemple bien mes dictz,
Est le sentier qui meyne en paradis.
Temptacion faict a cuer retourner,
Bon gré mal gré le pecheur destourner.
Temptacion qui faict crier : hélas !
Faict plus de bien a la fin que soulas.
Mais que patience conduyse en bon espoir,
Le desvoir esrant desespoir.

Ces troys pirates que j'ay devant nommés
Larrons, faulsaïres, pour bien les blassonnés,
Ils sont là bas pour servir de telz meetz,
Pour ce, ma mye, garde leur entremetz.
Le monde est prompt promettre sans tenir.
Par ses promesses mainct en a faict venir.

*A perdition, usant de menterie.
Proumet a tous esperance de vie,
Longue et certaine; mais quant la mort survient,
De ses promesses pour vray ne luy souvient,
En delaissant, comme cault et rusé,
Tous ceulx qu'il a par promesse abusé.*

***D**avantage la chair ne faict pas moins;
Et puy le dyable des deux frères germains,
Cil tient la peultre du navyre infernal,
Le conduysant comme grant gouvernal;
Voir de tel sorte que si la creature
Ne se retire de soubz la couverture
De ma passion douloureuse et acerbe,
A grande paine, note bien ce proverbe,
S'absentera de ces larrons predicts,
Que n'en reçoipre dix mille contredictz.*

***S**aulveté aultre ne veuilles enchercher
Que mon cousté, vien toy dedans cacher.*

*Prou large il est et au long parfendu ,
 Pour tous pecheurs simplement estendu
 Voire et sans double nul en charny ne fair
 Approchés vous, en moy vaillant complai-
 Courés, trottés avec mesure et ordie,
 A haulte voix criés misericorde
 Juste le just de mes tres saintes armes,
 C'est de ma croix, ou reçeus les alai mes
 De mort mordant, qui sur moy eul enqueir
 Pour leur venir a vous autres meilleur*

*Ainsi le fist Marat Mardalaure ,
 Semblablement la bonne Equipenne ,
 Qui au plustost que ma croix embrasser
 Eurent, ensemble extra le leur pensée,
 La chair, le monde, en cas par el le dyable,
 Lesard infaiet, paant, abominable,
 Ilz ne craignurent telle secte maldicte,
 Consulcrant qu'el estoit interdite
 Pour la pour sainte de mon empresse sainte*

O mon espouse, o ma mye, et sans faincte
Je t'avertis, tout uinsi que doit faire
Le bon amy, garde de te deffaire
Et corrompre la foy que m'as promise.
As de par moy entendu la divise
Des troys faulsaïres qui font certainement
Mainte povre ame aller a dampnement :
Croy le conseil de ton loyal espoux,
Non pas d'iceulx, et tu auras repoux
Avecques moy, en mon palais Royal,
Auquel jamais n'entre cueur desloyal.
Celuy est dit le manoir d'oraison,
Ou Charité et ma fille Raison
Ont audience, gouvernes toy par culx
Et les enssuys; il t'en adviendra mieulx.
Qui est la fin du Dicte que t'envoye,
Prenant congé, a tant que je te voye.

FIN PAR MOY K. D'AMBOYSE.

Les Publications de la SOCIÉTÉ DES BIBLIOPHILES
DE TOURAINE se trouvent aussi

A PARIS

CHEZ AUG. FONTAINE, LIBRAIRE

PASSAGE DES PANORAMAS, 35

CE

La Bibliothèque
Université d'Ottawa
Échéance

The Library
University of Ottawa
Date due

JAN 1 1996

JAN 15 1996

12 JAN 1996

NOV 25 1999

NOV 27 1999

CE PG 1601

•A45D4 1861

C00 AMBOISE, CAT LES DEVOTE

ACC# 1387058

